



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1845

XVI: Markgraf Otto II. schenkt dem Domstifte viel Hufen Landes in Röre für
den Altar der heiligen Katharina, am 24. Dezbr. 1197.

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

futuris quam presentibus canonice substituendis in perpetuum — prefatam ecclesiam, in quo diuino mancipati estis obsequio, cum omnibus bonis et possessionibus suis sub beati Stephani et nostram protectionem suscipimus et presentis scripti privilegio communimus. Statuimus ergo ut secundum quod in privilegio illustris principis ottonis secundi, marchionis in brandenburch, ecclesie vestre fundatoris, una cum fratre suo, h. inclito comite de Gardeleben, expresse preordinatum est, vos vestrique successores in testamentis condendis et facultatibus distribuendis, quamdiu uixeritis, plenam habeatis libertatem, illud non minus confirmantes, quod si aliquis uestrum in extremis agens debitis forte oneratus fuerit, liceat ei stipendium prebende sue integraliter ab obitu suo per anni circulum creditoribus suis pro debitis assignare. Si uero ab intestato, quod absit, aliquem decedere contigerit, ea que testamentum condenti liberaliter conceduntur, ne feruientes conducticii mercede debita creditores mutuata fraudentur pecunia, conuentui pro defuncto sine exceptione promouenda committimus. Electionem quoque liberam in decania, scolastico, custode et cellerario canonicisque assumendis uobis concedimus, hoc diligenter interposito, quod prepositus uester, quem quidem patronus ecclesie absque electione instituere poterit, nichil in uestris habeat stipendiis. In areis et agris ac prediis ecclesie uestre aduocati et bedelli nichil unquam exigere aut statuere presumant. Si qua igitur persona humilis uel alta hanc nostre confirmationis paginam infregerit, ni secundo aut tercio commonita respuerit et satisfecerit, anathematizata sit et in extremo examine districte subiaceat ultioni. Testes huius rei sunt Cunradus maioris ecclesie prepositus in halberstad, Cunradus camerarius, fridericus uicedominus, Geroldus cellerarius et archidiaconus halberstadenfis, Romarus archidiaconus balsamie, Burchardus archidiaconus in isleuen, Almarus archidiaconus in Kiffeb., Beringerus, Cunradus et Meinhardus canonici, fridericus decanus sancte Marie, Cunradus et ludolfus canonici. Acta sunt hec anno dominice incarnationis M^o. C^o. XC^o. III^o. III^o. kal. decembris, Sanctissimo domino papa Celestino III. romanam sedem tenente, Gloriosissimo domino heinrico VI. romanorum imperatore regnante, anno ordinationis nostre primo.

XVI. Markgraf Otto II. schenkt dem Domstifte vier Hufen Landes in Röhre für den Altar der heiligen Katharina, am 24. Dezbr. 1197.

In nomine Sancte et indiuidue Trinitatis. Nouerint tam presentes quam futuri, quod ego Otto secundus, dei gratia marchio in brandenburg, superne retributionis amore ad preces et obsequium heinrici, tunc custodis in stendale, preter ea, que pie memorie frater meus heinricus comes ecclesie beati Nicolai in stendale me consentiente, immo robur rei me prebente, contulerat, quatuor mansos in rokinze altari beate katerine spontanee contuli, Duos quidem, quos herbrandus de manu nostra feodaliter tenebat, et duos, quos Eluekinus uel ejus heredes, excepta decimatione, quam iohannes de iersleue a nobis tunc in feodo tenebat, et excepta ea pensione, que wuzop dicitur, quam ejusdem uille rokinze uidelicet uillicus in feodo tenebat, et preter censum, qui pridem ecclesie eidem a nobis collatus fuerat, et preter duos modios et dimidium majoris mensure, quos de predictis IIII. mansis sicut censum dudum ante contulimus. Verum ne nostre deuotionis oblatio apud posteros obliuioni contradatur, hoc quod legitime fecimus, sigilli nostri impressione deo auctore in perpetuum mansurum roboramus. Testes autem huius rei sunt clerici heinricus custos ejusdem ecclesie, Johannes concanonicus ejus, Iodewicus capellanus noster, laici uero Arnoldus de flatuorde, Rodolfus de rolstede, Olricus balehorn, Marquardus coquine nostre magister, et alii quam

plures, quorum nomina breuitatis amore pretermittimus. Acta sunt autem hec anne dominice incarnationis M^o. C^o. XC^o. VII^o. VIII. kal. decembris.

XVII. Graf Siegfried in Osterburg bestätigt dem Domstifte die von seinem Vater Grafen Albert in seiner Grafschaft gemachten Schenkungen, am 26. Febr. 1207.

In nomine sancte et indiuidue trinitatis. Liqueat tam presentibus quam futuris, quod ego Sifridus, dei gratia comes in Osterburch, post obitum patris mei felicis memorie Alberti, tunc comitis in Osterburch, pie collata ab eo ecclesie beati Nicolai in Stendale spontaneus innouo et ratum habendo confirmo idem beneficium, videlicet ut villa Rokinze ab omni iure et ab omni onere utriusque nostrum collatione, sicut et villa Garlip sit exempta, quod uel ego uel successores mei ab aliis villis, in eadem comitia constitutis consueverunt exigere debitum vel quod absit extorquere uiolenter. Verum ne sub hac generalitate obscuritas lateat onerosa, expressius hanc villam Rokinze scilicet ab eo, quod grafkorn et grafding et albergaria dicitur omnimodis absolutam recognosco: et ne forsitan obliuio nouerca gestorum huius liberalitatis memoriam valeat obfuscare, litteris nostris et sigillo quod ob remedium animarum nostrarum contulimus successoribus inuiolandum corroboramus. Acta autem sunt hec in aldenhufin presentibus his: Iamberto sacerdote et canonico in Stendale, Alberto de nigendorp, Engilhardo tunc dapifero, hermanno de mirica tunc avvocato in Aldenhufin, Ottone de brittania, Burchardo tunc camerario, et aliis quam pluribus. Anno dominice incarnationis M^o. CC^o. VII^o. concurrente VI^o. III^o. Kalendas martij.

XVIII. Paps Innocenz III. bestätigt dem Domstifte seine Besitzungen, am 6. Mai 1207.

Innocentius episcopus, seruus seruorum dei, Dilectis filiis Decano et Capitulo Stendaliensi — uestris iustis postulationibus annuentes, de Stendale, de Schinne, de Eluebuie et Rencherflache ecclesias, villam de Garlippe cum pertinentiis suis, duo talenta in areis et tria talenta in domo Mercatorum eiusdem castri, Quinque agrorum iugera extra fossatum et totidem iuxta Rencherflache, Areas quasdam pia uobis fidelium liberalitate collatas, Molendinum de Rokence, villas Rokence, Slautiz et Bereche cum pertinentiis earundem, Quatuor mansos in Schadewachte, duos in Niewinkele, duos in Bellinke, duos in Eluebuie, duos in Ciple ac dimidium in Gerbrechteslache ac tres quadrantes in Rencherslache, sicut ea iuste ac pacifice possidetis, uobis et ecclesie uestre per uos auctoritate apostolica confirmamus et presentis scripti patrocinio communimus. Nulli ergo omnino hominum liceat hanc paginam nostre confirmationis infringere etc. Datum Rome apud Sanctum Petrum, II. Non. Maii, Pontificatus nostri Anno Nono.

XIX. Markgraf Albrecht bestätigt dem Domstifte seine Besitzungen und Freiheiten und verpflichtet dasselbe zur Feier des Sonnabends zur Ehre der heiligen Jungfrau, am 1. Juni 1209.

In Nomine Sancte et indiuidue Trinitatis Albertus dei gratia marchio brandenburgensis, — supèrni amoris accenti desiderio ob spem retributionis eterne circa ecclesiam Beati Nicolai in Stendale